

ADMINISTRATIVE HEAD OFFICE

25 Ikajuktauvik Road, PO Box 70

Nain, NL, Canada A0P 1L0

Tel: 709.922.2942

Fax: 709.922.2931

nain_reception@nunatsiavut.com

Kaujigatsak

Âprel 18, 2016

Tagvainak Kaujigatsak

Immatitaunitsanga Muskrat Falls kajusittitaujutsaungituk napâttuit nakatigijaukKâtinnagit

Hontagiallatât Labradorimiut Inuit saKittausiammagilâlittut puttunitsamut maligatsaligijet maligatsangitigut attutauniKaligajallutik methylmercury tuKun-natuKasomut Muskrat Falls-imi immatitaulâttop iluanettut pejattauniangipata Kijuit, uppigait, piguttuit amma paungaKutet, Harvard University uKasimavuk Kaujitsinimmini ullumi.

Lake Melville Kaujisattilaget Kaujitsiutinga sakKititaisimavuk sitamani jârini unuttunik KaujisautiKasimallutik pimmagittunillu Kaujisannimmini nakvâsimal-lutik Kanuk methylmercury tuKunnatuttaKasok katitsuvalliasongummangât Lake Melville avatinginnetuni Kanullu tamakkua attuiniKalâmmangâta Inunnik atugia-KaKattatunik Lake Melville tasiujatsuagâlunganik niKitsaminik pitanginnilu.

“Immigollutik Kaujisasimajut sakKititsivut imâk isumâlotigilauttavut sulitsia-Kut,” uKavuk Nunatsiavut AngajukKânga Sarah Leo. “SivumuajuKagiaKalik-Kuk mikillitigasuallugit pivallianingit methylmercury tuKunnatuttaKasomut attutaunigigajattangit Inuit inoviKagasuattuit kop akKutingani suligijaujop. Ilonnâgut napâttuit nakatigijaukKâtinnagit, immatitsijuKajutsaungilak. Tamanna taimâk pijagiakittigijogaluak.”

Taimali Kaujisannik malunnatitsivuk imâk immatitsinik Kummuatitsikallalân-ninganik tuKunnatuttaKasomik sanalilluni Muskrat Falls immatitaulâttop iluani 120-et sitontet KângiutikKâtinnagit tamâni Kummuanganiallittilugit unuttuni jârini. TuKunnatuttaKasomut attutaunigigajattangit Inuit inoviKajut saniani Lake Melville tasiujatsuagâlunganik mânia puttunitsauvuk asinginnit Canada-miunit, Kummuavallianinginniallunilu angijumik immatitaukKâtillugu immatitaulâttop iluanettut ilonnâgut pejattauniangipata. Rigolet-timi nunaliujuit ilimanannipâme-vut Kummuavallianingani tuKunnatuttaKasomut attutaugajanningit asiminit Inunnit inoviKajunit Upper Lake Melville-mi anginitsamilli nunagijaminit niKitsaminik pinasualuaKattagamik.

“Atâtauvunga pingasunik KitungaKadlunga, Rigolet-timik angiggaKadluta. Kitungagengujuit sollu uvattut pinasuapviKainnaKut Lake Melville-mik niKitsasiudlutik,” uKavuk Nunatsiavut Nunaliginimmik Pinnanattuliginimmilu Minister-iujuk Darryl Shiwak. “Taggali Muskrat Falls suligijauninga sivumuat-titauniappat mânnautillugu akKutigilittangagut, angillivallianginnatuinnatillugu tuKunnatuttaKasok attuiniKatsiamagilâlittuk Kitungagengunittinik. Tamanna nâmmagingitavut, piluattumik mânnautillugu pivitsaKattuKanningani asiangutit-sigiamik.”

Nunatsiavut kavamanga inulimânik Kaujimatitsigiagamut katimatitsikatalâttut tamatumani wogimi Happy Valley-Goose Baymi, Mud Lake, North West River amma Rigolet-timi Kimiggutitsilutik Lake Melville Kaujisattilaget Kaujitsiutinganik. Kagitaujatigut atjinginnik Lake Melville Kaujisattilaget Kaujitsiutinganik, ammaluttauk Naillitisimajumik Maligatsaliuttinut ilingajumik,

pitjutilimmik sakKititausimajunik ammalu siammatitsijumik sitamaniuluak pikKujaliangusimajunik,
nakvâtaugunnalutik uvani www.makemusktratight.com

Unikkausiliuttinut Fonnitausok

Bert Pomeroy

Aulatsijik Kaujimatitsijiumik

(709) 896-8582 / (709) 899-0049